

OPĆINA KAKANJ

ul. Branilaca br. 1

(n/r predsjedavajući Općinskog vijeća gosp. Slaven Katičić)

Primljeno:

06-12-2024

Org. jed.	Kl. oznaka	Broj	Prilog

Predmet : Reakcija Vijeća roditelja na Pravilnik o povećanju cijena usluga JU za predškolski odgoj i obrazovanje „Mladost“ Kakanj

Na sastanku Vijeća roditelja održanim dana 03.12.2024. godine, od strane uprave vrtića obaviješteni smo o novom pravilniku o povećanju cijena za boravak djece u predškolskoj ustanovi. Obzirom na rast cijena u neku ruku se može shvatiti isto, ali rast plata ne prati isti taj rast cijena, tako da imamo dvije strane ove priče. Svako povećanje cijena utiče i na budžet roditelja, iako nismo za povećanje cijena, smatramo da ako se povećanje trebalo odrediti da to povećanje bude manje, do nekih 20,00 KM po djetetu, a ne 50,00 KM kako je urađeno.

Upravni odbor je donio odluku da od 1.1. cijene vrtića budu povećane za 50 KM, ali taj isti Upravni odbor nije uzeo u roditelje koji u istoj ustanovi imaju dvoje li više djece, a tih roditelja imamo. Naime, privatne ustanove nude za svako sljedeće dijete koje pohađa navedenu ustanovu i olakšicu za roditelja pa tako za drugo dijete nude smanjenje cijene u iznosu od 30%, dok za treće taj iznos je za 50% manji, dok naime sa druge strane naša ustanova ne nudi te pogodnosti, odnosno ne nudi mogućnost navedenoj skupini roditelja da lakše snose svoje obaveze. Iako su ove promjene po Upravnom odboru „nužne“ kako bi se održao postojeći standard kvaliteta usluga, kao roditelji, moramo priznati da roditelje ovaj iznos dodatno opterećuje, osobito kada je u pitanju više djece u porodici.

U obrazloženju Pravilnika koji nam je dostavljen na sjednici stoji da su cijene JU za predškolski odgoj i obrazovanje „Mladost“ Kakanj, manje u odnosu na cijene usluga u drugim predškolskim ustanovama na području naše Općine, te da će sa istim ostati još uvijek cjenovno najprihvatljivija predškolska ustanova, tome u prilog ne ide činjenica da ostale predškolske ustanove nude duži boravak djece u istim, te kako smo ranije naveli imaju pogodnosti i olakšice za porodice sa dvoje i više djece.

Podsjećamo da je prije nekoliko godina na sjednicama Vijeća roditelja bila spomenuta mogućnost manjih povećanja, čak i iznos od 20,00 KM, što pokazuje da smo uvijek bili spremni na razgovor i prilagodbu u skladu s realnim okolnostima, te u skladu sa rastom cijena je nekako možda i relano to neko povećanje od 20,00 KM.

Ovaj prijedlog dolazi iz želje da se postigne ravnoteža između nužnih troškova i mogućnosti roditelja, koji, nažalost, zbog sveprisutnog poskupljenja već osjećaju pritisak na svojim kućnim budžetima.

Vjerujem da će Upravni odbor, Vijeće i roditelji nastaviti dijalog u cilju pronalaska kompromisa koji će zadovoljiti obje strane i omogućiti da naš vrtić i dalje pruža kvalitetnu i sigurnu uslugu za našu djecu, ali i da ne opterećuje dodatno roditeljske budžete.

U svakom slučaju, važno je da razgovaramo, razumijemo izazove koji nas očekuju i zajednički nastojimo doći do najboljeg rješenja. Ponekad su najbolja rješenja ona koja su rezultat kompromisa.

Vijeće roditelja :
Predsjednica Vijeća roditelja

[Handwritten signature]
td.